

KUNDALINI BELYDENIS:

Vader, ons verskyn voor U troon in die Naam van Jesus van Nasaret, om belydenis te doen van ons eie oortredinge, sonde en ongeregtighede, sowel as die van ons voorouers.

Ons neem as fondament U Skrif wat sê: [As ons ons sondes bely, - Hy is getrou en regverdig om ons dit te vergewe, en ons van alle ongeregtigheid te reining. \(1Joh 1:9\)](#)

Vader, in verband met die Kundalini bely ons dat ons, sowel as ons voorouers sonde gedoen het. Ons erken dat ons, sowel as ons voorouers daarvan bewus was dat U sonde en ongeregtigheid nie sondermeer vergewe nie, en dat U dit toereken aan die derde en vierde geslag van die wat U haat deur U geboorte te oortree.

En nogtans het ons en ons voorouers U nie vertrou nie, en U nie geglo nie. Ons het die begeerters van ons eie vlees gevolg en by ander gode gaan hulp, krag en energie soek, en so vreemde gode aanbid. Ons bely dat ons en ons voorouers skuldig is aan afgodery.

Vader, ons bely dat ons en ons voorouers nie aan ons kinders U verordeninge en insettinge geleer het as hulle staan en as hulle sit nie, tydig en ontydig nie. Ons bely dat ons as gevolg van ons ontrouheid in hierdie verband nie U wil geken het nie, en dat ons die veilige grense wat U vir ons gestel het, as gevolg daarvan soms onwetend maar ook moedswillig oorskry het.

Ons bely dat ons in ons onkunde gedwaal het, omdat ons U krag, en die Skrifte nie geken het nie. Daarom het ons nie die krag van Satan onderskei nie, en dit selfs dikwels die krag van U Heilige Gees genoem. In ons onkunde was ons beïndruk met die krag en belonings van Satan, en het daarom by die losies van Geheime Organisasies en die Rooms Katolieke Kerk aangesluit. So het ons ons geboortereg verkoop. Ons bely dat ons hierdeur 'n vloek op ons eie koppe en die koppe van ons kinders en hulle kinders laat afkom het.

Ons bely dat ons en ons voorouers in hierdie Losies en Organisasies die Geheimenisse van Babilon geleer het – die diep geheimenisse van Satan. En ons bely dat hierdie onderrig en beoefening van hierdie lering die saad van Satan in ons DNA wakkermaak het.

Ons bely dat ons en ons voorouers hierdie krag van Satan, die Kundalini – slang tot ons eie voordeel ingespan het om toegang tot bonatuurlike krag en energie te verkry, om geld en vriende te maak, en helaas, dat ons dit via ons geestelike leiers in die gemeenskap van gelowiges, die ekklesia ingedra het. Ons bely dat ons illuminasie nagejaag het, dat ons self ons eie god wou wees, dat ons wou evolusioneer na hoër vlakke as andere rondom ons.

Ons bely dat ons hierdeur die geestelike eenheid van die ekklesia verbreek het, omdat ons meer lojaal was aan die eenheid wat geaktiveerde Kundalini in die broederskappe van ons losies en organisasies bewerk het, as aan die broederskap van U Koninkryk deur die Heilige Gees. Ons bely dat ons en ons voorouers ons lidmaatskap van hierdie losies en organisasies vir ons broers in

Christus geheim gehou het, en in die geheim die Kundaline krag die ekklesia binnegedra en laat opereer het.

Ons bely dat ons in die gemeenskap van gelowiges onself aan sommige van die doktrines van hierdie leer van Satan onderwerp het – spesifiek aan die leer wat lui dat 'n Babiloniese waterritueel (die kinderdoop) en nie die stort van bloed nie, ons insluit in U verbond met Abraham. Ons bely dat ons duisende mense met hierdie leuen (die stroom water wat die Kundalini-draak in Openbaring agter die vrou aanspuug) onder die indruk gebring het dat hulle gered is van sonde – terwyl hulle nie was nie.

Ons bely dat ons U Heilige Gees ook hiermee bedroef en uitgeblus het, deurdat Hy nie U wet op sulke mense se harte kon skryf nie. Ons bely ook dat die leer van Uitverkiesing, soos geleer deur die priesters bvan die Babiloniese Geheimenisse lui dat mense nie nodig het om 'n wilskeuse vir Jesus te maak nie – aangesien hulle reeds deur die kinderdoop in U verbond met Abraham ingesluit is. Ons bely dat ons en ons voorvaders onself aan hierdie gruwel-leer onderwerp het.

Ons bely ons ongeloof in U deurdat ons staatgemaak het op die sisteme en stelsels van Babilon vir ons lewe, gesondheid en onderhoud. Ons het hierdie stelsels gekies as ons sekerheid, en vir U en U insettinge en verordeninge verwerp. Ons bely dat ons nie weet hoe om deur geloof te lewe nie.

Ons bely dat ons onself onderwerp het aan eredienste waar die Kundalini-energie vryelik geopereer het, en dat ons dit nie onderskei het nie. Ons bely dat ons nie ons sg. "geestelike leiers" hieroor tot orde geroep het nie, nie hul valse geestelike gesag onderskei het nie, en hul lering klakkeloos aanvaar het.

Ons bely dat ons toegelaat het dat die Kundalini krag in 'n groot mate die ware krag van die Heilige Gees uit die Kerk verdryf het. Ons bely dat ons veroorsaak het dat die Heilige Gees uit eredienste waar hierdie krag geopereer het, onttrek het. Dat ons U Heilige Gees bedroef en uitgeblus het.

Ons bely ons begeerte en sug na 'n aanraking deur Kundalini –energie. Ons bely ons sinlike bevrediging wanneer dit ons wel aangeraak het. Ons bely dat ons genesing vir ons liggame, groeter en dieper spiritualiteit, selfwaarde en eer van die Kundalini afgebied het.

Ons bely dat ons onself onderwerp het aan die simbool van die Geheimenisse, die dissipline van Hermetesisme, die Caduceus – die staf van Hermes. Ons bely dat ons dit gekies het as banier oor alle mediese sake, en sodoende alle mediese kennis en praktyk onder die invloed en gesag van Hermes, die Kundalini, geplaas het. Ons bely dat ons hierdie bonatuurlike invloede ingespan het om die bevolking van die aarde onder voortdurende chemiese bedwelming te plaas, op 'n skaal wat met verloop van tyd grootliks sal meehelp tot 'n globale, alternatiewe, kollektiewe bewussyn.

Ons bely dat ons en ons voorouers betrokke geraak het by Kundalini praktyke, en dat ons ons kinders hierin aangemoedig het, nl. JOGA, OOSTERSE GEVEGSKUNSTE, REFLEKSOLOGY, REIKI, ICHING, NEW AGE, ENERGIEBEHANDELINGS, BALANSERINGSBEHANDELINGS, PASSIEWE MEDITASIE,

ASEMBEHEER, BOEDDHISME, HINDOEÏISME, SUFIÏSME, ALCHEMIE, SJAMANISME, HERMETESISME, CHIROPRAKTYK, ROCKMUSIEK, KABBALISME.

Ons bely dat ons ons eie liggame onteer het met seksuele gruwels ten einde die Kundalini wakker te maak of sensueel te laat opereer. Ons bely dat ons generasie seksbehep is, dat onself, asook vele godsdienste en kerkleiers seksueel onreine lewens lei, en dat dit nodig is dat ons moet veg vir ons kinders se seksuele reinheid.

Vader, in Jesus se Naam bid ons dat U ons sal vergewe vir hierdie oortredinge en sonde. Ons vra dat U ons sal reinig van ons oorgeërfde, sowel as ons eie ongeregtighede. On skies dat UU wet op ons mees innerlike vlees sal skryf. Ons kies dat U die woorde van Satan in ons vlees sal uitwis.

In Jesus se Naam verloën ek die saad van Satan, sowel as die daad van die "Sons of God" van Genesis 6. Ek bely dat hierdie engele (ook bekend as die Kathulu) reeds deur God veroordeel is, en met inbreekbare kettings onder die aarde vasgebind is, en dus nie hul dade met die dogters van mense kan herhaal nie.

Ek glo dat God die wat regverdig is in hul generasies, soos Noag, spaar. Ek glo dat die Heilige Gees deur die gelowige doop God se wet op my innerlike vlees skrywe, deurdat ek glo in Jesus Christus, Yeshua ha Mashiach, en Hom as my Redder en heer aanvaar het. Ek glo dat daar in die koninkryk van God geen plek is vir gemengde saad nie- dat God wel toelaat dat twee soorte saad op aarde saamgroeï, maar dat gemengde saad uit die Ekklesia, die Kerk van God en gemeenskap van gelowiges geweer moet word.

In die naam van Jesus verloën ek enige verbonde met, en sny myself en my kinders los van die saad van Satan en die Kathulu. Ek verklaar dat ek in ewigheid niks daarmee te doen wil hê nie, en verklaar 'n genetiese egskeiding tussen myself en sodanige saad. Vader, in die Naam van Jesus vra ek dat U my DNA en saad sal reinig om ware saad van die Koninkryk te wees. Ek bid dat U my saad sal seën vir duiende geslagte, omdat ek U liefhet en U gebooie onderhou.

In die Naam van Jesus verloën ek die geestelike Babilon van Openbaring 17 en 18, en die Hoer van Babilon. Ek verloën die vurige draak met sewe koppe en tien horings. Ek verloën die Toring, geheime lering, towerkrag, krag van verleiding en misleiding van die Geheimenisse van Babilon, die diep geheimenisse van Satan, en hul ganse inhoud.

In die Naam van Jesus verloën ek vir Nimrod, die goddelose agterkleinseun van Noag en al sy name in ander tale en kulture. In die Naam van Jesus verloën ek ook vir Semiramis, sy losbandige vrou, en al haar name in ander tale en kulture. In die Naam van Jesus verloën ek die godsdienstige stelsel wat hulle ontwerp het, met sy towerkuns, metallurgie, chemie, astrologie, bedwelming, alternatiewe bewussyn, illuminasie, aggressie, sensualiteit, kristallogie, waarsêery, en son-en maanaanbidding.

In die Naam van Jesus verloën ek enige verbonde met, en sny myself en my kinders nou los van Babilon se Toring en sy geheimenisse. Ek verloën enige verbonde met, en sny myself los van Nimrod, Semiramis, die vurige draak en die Hoer. Ek verklaar dat ek in alle ewigheid niks met hulle

te doen wil hê nie. Vader, ek bid dat U Woord in my sal vestig en dat die gawes van U Heilige Gees deur my sal opereer, tot eer van U Naam, en tot uitbreiding van U Koninkryk.

In die Naam van Jesus verloën ek die 4 okkultiese elemente: Aarde, water, lug en vuur. Ek verloën die krag en invloed van die konstellasies van die dierieriem en alle ander konstellasies en sterre. Ek verloën die krag van die son, die songod, en Sirius, die hondster.

Ek verloën die krag en invloed van planete en komete. Ek verloën die krag en invloed van die maan, die maangodin en alle ander satelliete. In die Naam van Jesus verloën ek enige verbonde met, en sny myself en my konders nou los van die krag en invloed van die 4 elemente, sterre, planete, komete, die son en die maan. In die Naam van Jesus verloën ek alle meetbare en onmeetbare energie wat ek in die verlede van bogenoemde ontvang het.

Ek verklaar dat my enigste bron van energie die Lewe van Jesus Christus is, soos vergestalt in die drink van Sy bloed, wat Sy lewe simboliseer, in die nagmaal. Ek verklaar dat Sy lewe, deur Sy Heilige Gees, my enigste bron van energie is, want deur Hom lewe ons, brweeg ons, en bestaan ons (Hand 17:28) In die Naam van Jesus verloën ek enige verbonde met, en sny myself en my kinders nou los van enige sodanige okkultiese energie en energiebronne.

Vader, ek bid dat U my enigste bron sal wees, en dat ek as regverdige voor U deur die bloed van Jesus deur geloof sal lewe.

In die Naam van Jesus verloën ek die filosofie dat die menslike sentrale senuweestelsel die boom van die lewe is, 'n simbool daarvan is of daarmee ooreenstem. Hierdie filosofie is 'n LEUEN. Ek verklaar dat hierdie filosofie onversoenbaar is met die Skrif, wat verklaar dat die hemelse boom van die lewe bewaak word deur 'n Engel met 'n vlamme swaard.

In die Naam van Jesus verloën ek die filosofie van karma en reïnkarnasie. Ek verklaar dit 'n leuen van Satan. In die Naam van Jesus verloën ek die geeste van my voorvaders, alle herinneringe aan vorige lewens en *déjà vu*-ervarings. In Jesus se Naam verloën ek alle verbonde met, en sny ek my en my kinders los van hierdie filosofieë, gedagtepatrone en praktyke. Ek sny my los van enige sogenaamde vorige lewens en enige herinnering daaraan.

Vader, help my asseblief om die waarheid lief te hê – die waarheid wat my vry maak, sodat ek nie die leuen sal glo en verlore gaan nie.

In die Naam van Jesus verloën ek die krag en aktiwiteite van my sewe chakras, soos ingespan in die okkult. In die Naam van Jesus verloën ek alke elemente, metale, kleure, konstellasies en geografiese plekke op die aarde waaraan my chakras verbind is. In die Naam van Jesus sny ek myself en my kinders met die swaard van die Gees los van hierdie elemente, metale, kleure, konstellasies en geografiese plekke.

Ek verklaar dat dit my wens is dat hierdie chakras sal optree, en in die toestand sal wees waarin God hulle geskep het, en NIE in die toestand van aktivering vir die Kundalini nie. Ek maak 'n wilskeuse dat

my chakras NIE okkultiese of sielsenergie sal ontvang, stoor, verbruik of uitgee nie. In Jesus se Naam maak ek 'n wilskeuse dat my chakras sal ophou tol, tot stilstand kom, verdof en toegaan soos 'n blom teen sononder.

Ek maak 'n wilskeuse dat my derde oog tussen my wenkbroue sal sluit, en sny myself en my kinders in Jesus se Naam los van die vermoë om dinge in die geesrealms waar te neem, of daarvan bewus te wees, mbv my derde oog. Ek maak 'n wilskeuse dat my kroon-chakra sal sluit, en dat ek die vermoë sal verloor om daardeur in te skakel op die globale kollektiewe bewussyn.

Ek maak 'n wilskeuse om BUIITE hierdie kollektiewe bewussyn te staan, omdat ek kies om deur die Heilige Gees beheer te word. In Jesus se Naam sny ek myself en my kinders los van die krag en simboliek van die feniks of dondervoël – die simbool van illuminasie en hoër (kollektiewe) bewussyn.

Vader, ek kies dat U Heilige Gees my gedagtes daagliks vernuwe. Ek bid dat U my chakras sal herstel tot die toestand waarin U hulle geskape het, en dat hulle slegs die rolle sal speel waarvoor U hulle bestem het. Ek bid ook dat U my endokriene klier en – sisteem in die geesrealms sal lossny van die chakras, en hulle sal herstel tot gesondheid en hulle oorspronklike toestand.

In die Naam van Jesus verloën ek enige persone wat as my geestelike begeleiers opgetree het op pad na geestelike illuminasie. Ook hulle wat in Jesus se Naam die Kundalini se invloed oor my laat geld het in kerke en sinagoges. In Jesus se Naam verloën ek hulle Kundalini – en energieleringe en – praktyke, hulle boeke, videomateriaal en invloed op my gedagtes en lewe.

In Jesus se Naam verloën ek enige verbonde met, en sny myself en my kinders los van sodanige leringe en invloed. In Jesus se Naam verklaar ek 'n geestelike egskeiding tussen myself en hierdie persoon of persone, en verklaar ek dat ek in alle ewigheid niks weer met hulle lering of invloed te doen wil hê nie. Vader, ek bid dat die swaard van U Gees tussen my en hierdie persoon of persone sal sny, ook alle emosionele verbintenisse, sodat ek aan U alleen verbonde sal bly.

In die Naam van Jesus verloën ek alle joga-filosofie, joga-oefeninge, joga-posesies en joga-dissipline. Ek verklaar dat joga 'n misleidende dissipline is, gemik daarop om die Kundalini te aktiveer en te laat opereer. In die Naam van Jesus verloën ek enige verbonde met joga, en sny my en my kinders los van joga en die slegte vrugte daarvan.

In die Naam van Jesus verloën ek die filosofie, praktyke en dissipline van passiewe meditasie en asembeheer. Ek verloën die lotus-posesie en alle mantras – spesifiek die woord "aum" en ook "Christelike" mantras soos "more Lord", "receive" en herhalende mantras in "tale". In Jesus se Naam sny ek myself en my kinders los van die effekte en invloede van meditasie, asembeheer en mantras.

In die Naam van Jesus verloën ek die toorkuns-filosofie van dualisme van die Jin en die Yang, van manlik en die vroulik, Ida en Pingala, hemel en aarde, en teenoorgesteldes wat moet verenig om "magic" teweeg te bring. Ek verloën die jin – jangsimbool en sg. Dawidster wat die vereniging van teenoorgesteldes uitbeeld. Ek verloën spesifiek die vereniging van manlik en vroulik (of troue tussen

die prins en prinses; of koning en koningin) wat die androgene mens en geslagsverwarring teweegbring.

Ek verloën die androgene mens en alles wat dit simboliseer. Ek sny my en my kinders los van al hierdie simboliek en die invloede en effekte daarvan. Vader, ek bid dat U my verstand sal reinig van al bg. Filosofieë en praktyke. Ek kies om beheer te word deur die Heilige Gees (Ruach ha Quadesh) en om via Christus een te wees met die res van Sy liggaam.

In die Naam van Jesus verloën ek die lering, strukture, ampte, sakramente en gesag van die Rooms-Katolieke Kerk – die hedendaagse priesterdom van die Babiloniese Geheimenisse.

Ek verloën my kinderdoop as 'n Babiloniese doktrine, 'n onbybelse verbond van water (ipv bloed) wat met die Hemelkoningin, ipv God die Vader gesluit word. In Jesus se Naam verbreek ek nou hierdie verbond, asook die seël daarvan wat op my voorkop (in die posisie van die derde oog) geplaas is, op grond van die bloedverbond wat ek met Jesus het in die Heilige Nagmaal.

Ek verklaar 'n egskeiding tussen my en die Hemelkoningin, en sny myself en my kinders los van haar en haar invloed in Jesus se Naam – vir alle tye en ewigheid. Ek verklaar dat ek 'n kind van God die Vader, die God van Abraham, Isak en Israel is, en dat ek NIE 'n kind is van die Hemelkoningin, voortgebring uit haar waterige baarmoeder nioe. Ek verklaar dat ek en my kinders in alle ewigheid niks met die effekte en invloed van die Rooms-Katolieke Kerk ooit te doen wil hê nie.

Ek verloën die priesterdom van geheime organisasies, en spesifiek Vrymesselary, hul strukture, lering, siimbole, werktuie, rituele, ede, broederskap en inisiasies in die Naam van Jesus. Ek verloën die Kundalini (genoem Bafomet of Hiram Abiff) – die draak met sewe koppe en tien horings van Openbaring, en die Hemelkoningin (die arme weduwee van Vrymesselary) – die hoer wat op die draak ry.

Ek verbreek alle Vrymesselaarsvloeke wat oor my uitgespreek is deur my voorgeslagte en Jesus se Naam – spesifiek die Lewisvloek van armoede. Ek verklaar 'n egskeiding tussen myself en Vrymesselary, verbreek alle verbonde daarmee in Jesus se Naam, en verklaart dat ek en my kinders in alle ewigheid niks met die effekte of invloed van Vrymesselary te doen wil hê nie. Hiermee sny ek myself en my kinders dus in die Naam van Jesus los van die vloek van Vrymesselary – vir alle tyd en ewigheid.

Ek verloën Joodse mistisisme en die Kaballa in Jesus se Naam. Ek verloën die lering, rituele, heilige geskrifte soos die Zohar, strukture, ede en simbole van die Kaballa. Ek verklaar dat die lering van Kaballa 'n vermenging van Judaïsme en die Babiloniese Geheimenisse is, verkreek alle verbonde daarmee in Jesus Naam en sny myself en my kinders los van die sg. Boom van die Lewe of sefiroth, van die Kaballa.

Vader, ek bid dat U my sal leer hoe U orde werk, hoe dit inmekaarsteek en hoe die meganismes daarvan opereer. Ek begeer om myself in lyn te bring met U orde – nie die orde van die wêreld nie.

In die Naam van Jesus verloën ek die vals heilige gees, die Griekse god Hermes, die Romeinse god Mercurius en die Egiptiese god Thoth. In Jesus se Naam verloën ek die kennisveld van Hermetesisme, van die heilige geometrie, simboliek, allegorie, Numerologie en alle toorkuns mbv die jin en die jang.

Ek verloën die geestelike interpretasievermoëns van Hermes asook die gees van die stelsel van Bybelinterpretasie wat na hom vernoem is (Hermeneutika of Hermeneutiek). Ek verklaar dat hierdie sisteem van Bybelinterpretasie onvolmaak is, net soos Hermes onvolmaak is, en aanleiding gee tot gruwelike dwalings.

In die Naam van Jesus verloën ek die simbool van die Geheimnisse, die staf van Hermes – ook bekend as die Caduceus (uitgespreek: ka-doe'-she-us). Ek verloën die simboliek van die ruggraat (die staf self), die pituitêre klier (die knop van die staf), die twee ineengestremde slange (die Ida en die Pingala) in die vorm van die DNA – heliks en die vlerkies wat astrale projeksie voorstel.

In die Naam van Jesus verbreek ek alle verbonde met, en sny myself en my kinders los van hierdie staf en sy simboliek. In Jesus se Naam sny ek myself en my kinders ook los van die biologiese, emosionele en geestelike effekte of invloed vanuit die okkult op enige mediese behandeling wat ons al onder hierdie simbool ondergaan het.

Vader, ek vra dat die bloed wat onder die mes van medici uit my liggaam gevloei het, sal stilmaak, en enige verbond wat ek sodoende met Hermes of die Kundalini gesluit het, sal verbreek in Jesus se Naam. My begeerte is om net vir U te dien, en net met U (en my eggenoot) in 'n verbond te staan.

In die Naam van Jesus verloën ek die drie kanale waarin die Kundalini wakker gemaak word: die Ida (vroulik) die Pingala (manlik) en Sushumna (gesamentlik). Ek verklaar dat ek in alle ewigheid niks te doen wil hê met die energieë of gebeure wat die Kundalini aktiveer nie - spesifiek nie die energie vanuit die aarde (vir die Ida) of die energie vanaf die hemele (vir die Pingala) nie. Ook nie die energieë van die vier elemente nie.

In die Naam van Jesus verloën ek alle Kundalini-inmenging met, en effekte op my sintuie se perseptuele waarnemingsvermoëns. In Jesus se Naam gee ek elke 'gawe' of vermoë wat ek van die Kundalini ontvang het, aan hom terug, en verklaar dat ek of my kinders in alle ewigheid nooit weer iets daarmee te doen wil hê nie. Ek maak 'n wilskeuse dat geen ander energie as die energie van die Heilige Gees (Ruach ha Quadash) deur my liggaam sal vloei nie.

Vader, ek vra in Jesus se Naam dat U hierdie drie kanale vir die Kundalini sal sluit deur U Heilige Gees wat in my woon. Ek bid dat U hierdie 3 kanale sal herstel tot hul oorspronklike toestand. Ek bid dat U hulle sal reinig van alles waarmee die Kundalini hulle bevuil het. Ek bid dat U my sentrale sensuweestelsel normaal sal laat funksioneer, dat sensuprikkels- en boodskappe normaal deur my elektriese stelsel sal vloei.

In Jesus se Naam dra ek my 5 sintuie op aan Jesus Christus – my sig, my gehoor, my reuksintuig, my smaaksintuig en gevoel. Vader, ek vra dat U my sintuie sal reinig van alle ongeregtheid.

In die Naam van Jesus verloën ek die Kundalini en al sy ander name: Mercurius, Hermes, Thoth, Ureaus, Chi, Ki, Shakti, Shiva, Prana, St. Georfe, St. John, Die groen man, Esprit, Elan, Vital, Orgone, Bafoment, Hiram Abiff, Baraka, Loosh, Vuurslang, Fire serpent, Vuurdraak, heilige vuur, shekinah, en vals heilige gees.

In Jesus se Naam verbreek ek alle verbonde van bloed, vlees, water, vuur, aarde, lug, seks, trauma en energie met die Kundalini, en plaas dit onder die bloed van Jesus.

Ek verklaar dat die Kundalini die saad van Satan en sy gevalle engele verteenwoordig, maar dat die God van Abraham, Isak en Jakob Sy saad in my gedeponeer het deur Sy Heilige Gees. Ek verklaar in Jesus se Naam dat die Kundalini 'n vals heilige gees, en manifestasies, wonderwerke, krag en energie verteenwoordig.

Ek verklaar dat die Kundalini NIE deel is van die Koninkryk van die Hemele NIE, en dat hy bestem is vir die verderf. Ek verklaar in Jesus se Naam dat die Kundalini sal eindig in die poel van vuur wat bestem is vir die ongehoorsames wat klaar veroordeel is weens hulle ongeloof, en vir wie genadetyd vir ewig verstryk het.

Ek verklaar in Jesus se Naam dat die vurige aard van die vurige draak hom niks sal baat wanneer hy in die poel van vuur gewerp word nie, maar dat hy dan vir ewig uit sy skuilplek verdryf sal word soos wat droë gras wat aan die brand gestek word, 'n slang laat vlug uit sy skuilplek.

Kundalini, ek verklaar nou in Jesus se Naam dat jy GEEN reg meer het op my lewe, liggaam, siel of gees nie. Daarom bevel ek jou nou in Jesus se Naam om my lewe, liggaam, siel en gees NOU te verlaat. Ek bevel jou in Jesus se Naam om jou totale lengte, van kop tot stert, uit my liggaam, siel en gees te trek.

Daarom, Vader, vra ons nou in Jesus se Naam dat U U Heilige Vuur vanuit die hemel sal stuur om die Kundalini uit sy skuilplek in ons liggame te verdryf.

Amen

Seël dit met die bloed van die Lam (nagmaal)